

Na osnovu čl. 132., 133., 135. i 136. Zakona o bankama („Službene novine Federacije BiH“, broj 27/17), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj 03/18), Upravni odbor Agencije za bankarstvo Federacije Bosne i Hercegovine, na sjednici održanoj dana 31.03.2022. godine donosi

ODLUKU
O IZMJENAMA I DOPUNAMA ODLUKE O PLANOVIMA
OPORAVKA BANKE I BANKARSKE GRUPE

Član 1.

- (1) U Odluci o planovima oporavka banke i bankarske grupe („Službene novine Federacije BiH“, br. 81/17 i 48/21), u članu 1., iza stava (4) dodaje se novi stav (5) koji glasi:
- „(5) Izuzetno od odredbi stava (4) ovog člana, banka kod koje Agencija nije utvrdila postojanje ključnih funkcija, ažurira i Agenciji na procjenu dostavlja plan oporavka najmanje svake dvije godine ili kada nastupe okolnosti iz stava (4) tač. a) do d) ovog člana.“
- (2) Dosadašnji stav (5) postaje stav (6).

Član 2.

U članu 5. stav (1) tačka b) alineja 1), iza riječi: „interni revizor“ se briše zarez i riječi: „eksterni revizor“.

Član 3.

- (1) U članu 6. stav (5) riječi: „i sistemu pokazatelja koje banka već koristi u procesu redovnog upravljanja rizicima.“ zamjenjuju se riječima: „i definiranoj sklonosti ka preuzimanju rizika.“
- (2) U stavu (6) iza riječi: „redovnog osnovnog kapitala“ stavlja se zarez, a riječi: „i stopu finansijske poluge.“ zamjenjuju se riječima: „stopu finansijske poluge i minimalni zahtjev za kapitalom i prihvatljivim obavezama.“
- (3) St. (10) i (11) se mijenjaju i glase:
- „(10) Granične vrijednosti pokazatelja za kapital trebaju biti utvrđene na način da se osigura dovoljna udaljenost od tačke neispunjavanja propisanih kapitalnih zahtjeva, uključujući minimum zahtjeva koji su propisani članom 27. st. (2) i (4) Zakona, što obuhvata i kapitalni zahtjev utvrđen na osnovu supervizorskog pregleda i procjene banke (SREP), te općenito iznad zahtjeva za zaštitne slojeve kapitala koji su propisani u članu 27. stav (5) Zakona. Ukoliko banka utvrdi granične vrijednosti pokazatelja za kapital unutar kombiniranog zaštitnog sloja, dužna je u planu oporavka detaljno obrazložiti razloge zbog kojih smatra da se opcije oporavka mogu implementirati pravovremeno u situacijama kada su zaštitni slojevi kapitala u potpunosti ili djelomično iskorišteni.“
- (11) Pokazatelji likvidnosti iz stava (1) tačka b) ovog člana moraju uključivati minimalno: pokazatelj ročne usklađenosti finansijske imovine i obaveza do 30 dana, koeficijent pokrića likvidnosti (LCR), koeficijent neto stabilnog finansiranja (NSFR) i omjer sredstava iznad obavezne rezerve i obavezne rezerve.“

Član 4.

- (1) U članu 7. st. (2) i (3) se mijenjaju i glase:
- „(2) U slučaju prekoračenja graničnih vrijednosti pokazatelja iz plana oporavka, uprava banke je dužna u roku od jednog radnog dana o tome obavijestiti Agenciju.
- (3) U roku od dva dodatna radna dana nakon obavještanja Agencije, uprava banke je dužna donijeti odluku o pokretanju mjera iz plana oporavka ili prijedlog odluke o suzdržavanju od pokretanja mjera iz plana oporavka.“
- (2) Iza stava (3) dodaju se novi st. (4) i (5) koji glase:
- „(4) Na osnovu prijedloga iz stava (3) ovog člana, nadzorni odbor banke bez odlaganja donosi odluku o suzdržavanju od pokretanja mjera iz plana oporavka ili ukoliko ne prihvata prijedlog uprave banke, odluku o pokretanju mjera iz plana oporavka, te o svojoj odluci obavještava Agenciju. Ukoliko je donesena odluka o suzdržavanju od pokretanja mjera iz plana oporavka, istu je potrebno detaljno obrazložiti.
- (5) Nadzorni odbor banke može donijeti odluku o pokretanju mjera iz plana oporavka i kada na to ne ukazuju, odnosno kada nisu premašene granične vrijednosti pokazatelja iz plana oporavka, a o čemu bez odlaganja obavještava Agenciju.“

Član 5.

- (1) U članu 16. stav (2) riječi: „čija neto bilansna aktiva prelazi dvije milijarde KM“ zamjenjuju se riječima: „kod koje je Agencija utvrdila postojanje ključnih funkcija“.
- (2) U stavu (3) riječi: „čija neto bilansna aktiva ne prelazi dvije milijarde KM“ zamjenjuju se riječima: „kod koje Agencija nije utvrdila postojanje ključnih funkcija“.

Član 6.

U članu 20. st. (1) i (2) se mijenjaju i glase:

- „(1) Banka dostavlja Agenciji ažurirani plan oporavka ili novi plan oporavka najkasnije do 30. septembra tekuće godine u elektronskoj i printanoj formi.
- (2) Banka je u obavezi ažurirati i Agenciji dostaviti ažurirani plan oporavka u roku od dva mjeseca od nastupanja okolnosti iz člana 132. stav (4) tač. b) i c) Zakona.“

Član 7.

Prilog 1. se mijenja Prilogom 1. koji se daje u prilogu ove odluke i čini njen sastavni dio.

Član 8.

Ova odluka stupa na snagu osmog dana od dana objavljivanja u „Službenim novinama Federacije BiH“, a primjenjuje se na planove oporavka koje su banke dužne dostaviti Agenciji do 30.09.2022. godine.

Broj: U.O.-74-03/22
Sarajevo, 31.03.2022. godine

PREDSJEDNICA
UPRAVNOG ODBORA

mr. sc. Ljerka Marić, dipl. ecc., s.r.

Prilog 1

Pokazatelji u planu oporavka*

| <i>Naziv pokazatelja**</i> | <i>Nivo ranog upozorenja</i> | <i>Nivo pokretanja opcija iz plana oporavka***</i> |
|--|------------------------------|--|
| 1. Pokazatelji kapitala | | |
| a) stopa adekvatnosti regulatornog kapitala | | |
| b) stopa redovnog osnovnog kapitala | | |
| c) stopa finansijske poluge | | |
| d) minimalni zahtjev za kapitalom i prihvatljivim obavezama (MREL) | | |
| 2. Pokazatelji likvidnosti | | |
| a) ročna usklađenost finansijske aktive i pasive do 30 dana | | |
| b) koeficijent pokrića likvidnosti (LCR) | | |
| c) koeficijent neto stabilnog finansiranja (NSFR) | | |
| d) omjer sredstava iznad obavezne rezerve | | |
| 3. Pokazatelji profitabilnosti | | |
| a) profitabilnost imovine (ROA) | | |
| b) profitabilnost kapitala (ROE) | | |
| c) značajni gubici po osnovu operativnog rizika | | |
| 4. Pokazatelji kvaliteta aktive | | |
| a) učešće nekvalitetnih kredita u ukupnim kreditima | | |
| b) stopa rasta nekvalitetnih kredita | | |
| c) pokrivenost nekvalitetnih kredita ispravkama vrijednosti | | |

* Banka dodaje redove za dodatne pokazatelje plana oporavka koje je odredila, a nisu navedeni u tabeli.

** Ako je banka u planu oporavka obrazložila zašto neće primjenjivati neki od navedenih pokazatelja, u kolonu „Nivo pokretanja opcija plana oporavka“ upisuje se „nije primjenjivo“.

*** Ako je banka utvrdila više nivoa za aktiviranje različitih opcija, upisuje se nivo na kojem se pokreće prva opcija.